

Qauyihanngettumit Nailiyauhimayuk haffuminngat Muskox Diamond Property

APEX Geoscience Ltd., Qitiqqautiyuk 2015.

Una Muskox Diamond Property (una “Nanminiriyaa”) nayugaat iluaniittuq Qitirmiut Nunangani Nunavunmi, iluani 1:250,000 ungahingnia NTS nunauyangani 76E, 76L unalu 86I. Una Nanminiriyaa ungahingnia 250 km hivuraa kivanmi ittuq Kugluktuk nunangani qanittuuvluni havakhimahuigtuq Uyararviugaluak Jericho Lupin Uyaraqhiurviik. Nanminia pingahunit havaariyauhimavlutik James Kugaa, Umingmak unalu Tahiryuap Qauyihaivikhait (Takunnaqtuq 1).

Una tukhiutauyuk uyaraqtarviuyumayuk haffuminngat Umingmak Nanminia ilaginiaqtaat nunami nunaualiqiyunit, hauyunit ihivriutut, uyaraqhiurniq, nunap qulaa qauyihaiyut unalu qiplariktumik ikuuktunit. Una 2015 uyaraqtarviuyunit piliriakhaq havalihaaqtukhaq Imaruqtirvia atulihaaqtumi, hivuaniluuniit nalaumayumik angirutauhimagumik naammagiyaupat, taimaa havaktauniarumilu ukiumi. Aadjikkutaa piliriahimayut ihumagiyauplutik 3 nit 4 nulluuniit kinguani ukiunganit.

Haffumani 2015 mi, hamna hauvikhaq ilihautikhat uumani 5,000mit 10,000mut m havaariyauyukhaq, atuqhugit atauhiq malrunnikluuniit qipliriktukhamik hauvikhaat. Hitiliuqtakhaat hitinia naahurigaayuk 200 m hitivikhaat, havaariyakhaat hitinia 700 m taunungaraaluk. Inikhaat havaarinahuaqtangit hauvikhaat tadjia ilihimanngettangit uyaraqtarviuyakhaat, haffuminngatut uyaraqtarviuyukhat havaangit, nunap iluani ihivriuqtakhaallu, havaariyakhaat qanuq hivumuuraahuarlugillu. Tamaita uyaraqtarviuyukhat havaangit havainnarahuaqtangit iluani ihivriuqtakhaat angiqtauhimayumik Uyaraqtarvik Piyunnautingit (Takunnaqtum 1).


Hamna havaktauyukhaq uyaraqtarviuyukhaq piliriakhaq ikayuqtauunnguyuk ingutaaqtumik, havakaffuktukhat 10-12 nilluniit inungnit uyaraqtarviuyuk nayugaan. Taimaa Havaktauyuk avaliqanngettuk uumani pingahuuyut havaktauhimayut inaanit, pingahut havakviat naunaiyariiqhimayut ikayuqtaugiami uyaraqtarviuyunut tamarmik. Tamait nayugaat, uqhuryuaqarvilinngit, hanahunnguya atiliuffaaqtakhaat qaliriiktut taimaa atauhiinnarnik nayurviqaqtukhat ayannguraangat tingmiaqarlutik malrulingnik atauhiinnaq. Havaktit tamayangillu agyaqtauunnguyut nayugaanit ayannguraangat malrulingnit tingmianit (Malrulingnik) Yalunaimit qanilruanit hamunga Tibbitt Tahiryuam Ukiumi Apqutaanit agyaqtauvaglutik nunakkut ukiumi.

Hamna angiriiqhimayuk nayurvikhaat pukuktauhimayut nalaumayumik ihuaqtamingnit nunakkut maniilrumi katilviuhimayut ihuaqtumik nunam qaangani, uyaringni hiuralingniluuniit, taimaa milaaqtumillu tingmiat nayugakhaanillu. Ilitquhiat tamainnit angiriiqhimayumi nayugakhaat ilaqarluni 6 hiniktalaaqtut tupiit, munaqhiqarviup tupikhaa, igavik, paniumayuk, havagvik, hanavik, hirluakhangillu, januriitakhaat, uunaqtutikhaq, malrurnik quiyaqturvillu. Tiliuhimayut taimaa havigaliqarlutik, Anurihiutit tupiit, aadjikkutaa higyaalik natirvit (Takunnaqtuq 2).

Imaqarlutik nayugaanit hauvikhangillu nalaumayumik imaqaqpangniaqtut, angiyaaqtumik inilingnit taimaa aktuqtailinahuariangat naliak qurluarlutiglu. Tamait imaq atuqhimayangit 2015 mi, kinguani uyaraqtarvikhaq piliriakhat, angitqiyaulaittuq 100 m³ ubluq tamaat. Nayugakhaat naaguhiyauyuk hauvikhangillu atuqattaqhunnguya 40 m³ ubluq tamaat.

Hamna uqhuryuaqarvikhaat naalimaittangit 40,000 L (~ 200 qattaryuit) hanayauyukhat tamaita uyaraqtarviuyukhat nayugaanit, tutquumaviqarlutik tingmiat uqhukhaat. Mikiyumit kaasiliit qakuqtat uqhuryuat tutquumanahuaqtangillu. Uqhuryuat tutquumalaittangit nayurviqanngettumik

havaktaunngittumi. Tingmiaqarniaqqut tingmiaqaraangat, kangiqhiyauvluni uqhuryuaqalimaittut tingmiaqaliraangat, kihimi iluani nayuqtauvingnit, taimaattaq qattaryuit imaittut unguvaqtauvangniaqtangit hunavalungnit iqqaqhimayangillu. Ikittumik uqhuryuarvit tutquumavit, naahimattangit 4,000 L, parnautivangniaqtangit ihuaqutikhat hauliraangat uyaraqtarviuliraangallu. Iluani 30 ublunganit humiliqaak tutquumavikhaat uqhuryuaqarvingit, nalaumayumik ilauhimayut naunaiqtauhunnguyut qanurmangaat tutquqhivlutik ukuninngallu: huqpaniittumi, qanurittumik uqhuryualik, imautingit aktingit, qanuq tutquqtirihimayangit ublungani unguvaqtauhimayangillu. Tamaat uqhuryuaqarvingit (haffuminngat aallat qayangnaqtunik hunavaluit) ilaliutauhunnguyut iluani nalaumaqpiaqtumik tuglingat ilaliutait.



Takunnaqtuq 1

